

OFFERYNNAU STATUDOL CYMRU

**2013 No. 3007 (Cy. 298)**

**BWYD, CYMRU**

**Rheoliadau Diogelwch Bwyd, Hylendid Bwyd a  
Rheolaethau Swyddogol (Hadau Egin) (Cymru) 2013**

<i>Gwnaed</i>	- - - -	27 Tachwedd 2013
<i>Gosodwyd gerbron Cynulliad</i>		
<i>Cenedlaethol Cymru</i>	- -	29 Tachwedd 2013
<i>Yn dod i rym</i>	- -	31 Rhagfyr 2013

Mae Gweinidogion Cymru yn gwneud y Rheoliadau a ganlyn drwy arfer y pwerau a roddwyd iddynt gan adran 2(2) o Ddeddf y Cymunedau Ewropeaidd 1972(1) a pharagraff 1A o Atodlen 2 iddi.

Mae Gweinidogion Cymru wedi eu dynodi at ddibenion yr adran honno mewn perthynas â mesurau sy'n ymwneud â bwyd (gan gynnwys diod) gan gynnwys cynhyrchu sylfaenol o ran bwyd(2) ac mewn perthynas â'r meysydd milfeddygol a ffytoiechydol ar gyfer amddiffyn iechyd y cyhoedd(3).

Fel sy'n ofynnol gan Erthygl 9 o Reoliad (EC) Rhif 178/2002 Senedd Ewrop a'r Cyngor sy'n gosod egwyddorion cyffredinol a gofynion cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd(4), ymgynghorwyd yn agored ac yn dryloyw â'r cyhoedd wrth lunio'r Rheoliadau a ganlyn.

**Enwi, cymhwyso a chychwyn**

1.—(1) Enw'r Rheoliadau hyn yw Rheoliadau Diogelwch Bwyd, Hylendid Bwyd a Rheolaethau Swyddogol (Hadau Egin) (Cymru) 2013.

(2) Daw'r Rheoliadau hyn i rym ar 31 Rhagfyr 2013 ac maent yn gymwys o ran Cymru.

- (1) 1972 p.68. Mewnosodwyd paragraff 1A o Atodlen 2 gan adran 28 o Ddeddf Diwygio Ddeddfwriaethol a Rheoleiddiol 2006 (2006 p.51) ac fe'i diwygiwyd gan adran 3(3) o Ddeddf yr Undeb Ewropeaidd (Diwygio) 2008 (2008 p.7) a'r Atodlen iddi.
- (2) O.S. 2005/1971. Trosglwyddwyd swyddogaethau a roddwyd i Gynulliad Cenedlaethol Cymru wedi hynny i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006 (2006 p.32).
- (3) O.S. 2008/1792.
- (4) OJ Rhif L31, 1.2.2002, t.1, fel y'i diwygiwyd ddiwethaf gan Reoliad (EC) Rhif 596/2009 o Senedd Ewrop a'r Cyngor sy'n addasu nifer o offerynnau sy'n ddarostyngedig i'r weithdrefn y cyfeirir ati yn Erthygl 251 o'r Cytuniad i Benderfyniad y Cyngor 1999/468/EC o ran y weithdrefn reoleiddiol ynghyd â chraffu: Addasiad i'r weithdrefn reoleiddiol ynghyd â chraffu - Rhan Pedwar (OJ Rhif L188, 18.7.2009, t.14).

### Diwygio Rheoliadau Bwyd Cyffredinol 2004

2. Yn rheoliad 2(1) (dehongli) o Reoliadau Bwyd Cyffredinol 2004(5), yn lle'r diffiniad o "Regulation (EC) No 178/2002" rhodder y diffiniad a ganlyn—

““Regulation (EC) No 178/2002” means Regulation (EC) No 178/2002 of the European Parliament and of the Council laying down the general principles and requirements of food law, establishing the European Food Safety Authority and laying down procedures in matters of food safety, as read with Commission Implementing Regulation (EU) No 931/2011 on the traceability requirements set by Regulation (EC) No 178/2002 of the European Parliament and of the Council for food of animal origin(6), and with Commission Implementing Regulation (EU) No 208/2013 on traceability requirements for sprouts and seeds intended for the production of sprouts (7).”.

### Diwygio Rheoliadau Hylendid Bwyd (Cymru) 2006

3. Yn Atodlen 1 (diffiniadau o ddeddfwriaeth UE) i Reoliadau Hylendid Bwyd (Cymru) 2006(8), ar ddiwedd y diffiniad o "Rheoliad 852/2004" ychwaneger y geiriau "a Rheoliad y Comisiwn (EU) Rhif 210/2013 ar gymeradwyo sefydliadau sy'n cynhyrchu egin yn unol â Rheoliad (EC) Rhif 852/2004 Senedd Ewrop a'r Cyngor"(9).

### Diwygio Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009

4.—(1) Mae Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009(10) wedi eu diwygio yn unol â pharagraffau (2) a (3).

(2) Yn rheoliad 2 (dehongli), yn lle'r diffiniad o "y Darpariaethau Mewnforio" rhodder y diffiniad a ganlyn—

“ystyr “y Darpariaethau Mewnforio” (“*the Import Provisions*”) yw Rhan 3 o'r Rheoliadau hyn, Erthyglau 15 i 24 o Reoliad 882/2004, Rheoliad 669/2009 a Rheoliad y Comisiwn (EU) Rhif 211/2013 ar ofynion ardystio mewnforion egin a hadau i'r Undeb sydd wedi eu bwriadu ar gyfer cynhyrchu egin;”(11).

(3) Yn rheoliad 41 (tramgwyddau a chosbau), ar ôl paragraff (1) mewnosoder y paragraff a ganlyn fel paragraff (1A)—

“(1A) Bydd unrhyw berson sy'n mewnforio i Gymru neu'n rhoi ar y farchnad unrhyw egin neu hadau sydd wedi eu bwriadu ar gyfer egin nad ydynt yn cydymffurfio â gofynion ardystio Erthygl 3 o Reoliad y Comisiwn (EU) Rhif 211/2013 ar ofynion ardystio mewnforion egin a hadau i'r Undeb sydd wedi eu bwriadu ar gyfer cynhyrchu egin yn euog o dramgwydd.”.

*Mark Drakeford*

Y Gweinidog Iechyd a Gwasanaethau  
Cymdeithasol, un o Weinidogion Cymru

27 Tachwedd 2013

---

(5) O.S. 2004/3279, a ddiwygiwyd gan O.S. 2005/3254 (Cy.247).

(6) OJ Rhif L242, 20.9.2011, t.2.

(7) OJ Rhif L68, 12.3.2013, t.16.

(8) O.S. 2006/31 (Cy.5), a ddiwygiwyd gan O.S. 2006/1534 (Cy.151), 2007/373 (Cy.33), O.S. 2010/893 (Cy.92), O.S. 2012/975 (Cy.129), O.S. 2012/1765 (Cy.225) ac O.S. 2013/479 (Cy.55).

(9) OJ Rhif L68, 12.3.1013, t.24.

(10) O.S. 2009/3376 (Cy.298), a ddiwygiwyd gan O.S. 2011/626 (Cy.90) ac O.S. 2013/479 (Cy.55).

(11) O.J Rhif L68,12.3.2013, t.26.

---

## NODYN ESBONIADOL

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn diwygio Rheoliadau Bwyd Cyffredinol 2004 (O.S. 2004/3279) (*rheoliad 2*), Rheoliadau Hylendid Bwyd (Cymru) 2006 (O.S. 2006/31 (Cy.5)) (*rheoliad 3*) a Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009 (O.S. 2009/3376 (Cy.298)) (*rheoliad 4*) er mwyn darparu ar gyfer gorfodi Rheoliadau canlynol yr UE—

- (a) Rheoliad Gweithredu'r Comisiwn (EU) Rhif 208/2013 ar y gofynion o ran y gallu i olrhain egin a hadau sydd wedi eu bwriadu ar gyfer cynhyrchu egin (OJ Rhif L68, 12.3.2013, t.16);
- (b) Rheoliad y Comisiwn (EU) Rhif 210/2013 ar gymeradwyo sefydliadau sy'n cynhyrchu egin yn unol â Rheoliad (EC) Rhif 852/2004 o Senedd Ewrop a'r Cyngor (OJ Rhif L68, 12.3.2013, t.24); ac
- (c) Rheoliad y Comisiwn (EU) Rhif 211/2013 ar ofynion ardystio mewnfuron egin a hadau i'r Undeb sydd wedi eu bwriadu ar gyfer cynhyrchu egin (OJ Rhif L68, 12.3.2013, t.26).

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, lluniwyd asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn. Gellir cael copi o'r Asiantaeth Safonau Bwyd yn: Yr Asiantaeth Safonau Bwyd yng Nghymru, Llawr 11, Tŷ Southgate, Stryd Wood, Caerdydd, CF10 1EW.